

建昌府志卷四十八

方伎傳

陳景元 吳康 廖應淮 危亦林 趙瑄

樊胡 李樾 梅慶生王謙 傳洋 馬徵

羅憲順 朱常洙 謝廷高 張榮 毛節

羅什 上官榜 吳延璟 李如璋 丁化

余紹寧 吳迪謨 張名榜 張塵生 夏朝麟

吳之文

建昌府志

卷四十八

方伎傳

一

建昌府志卷四十八

方伎傳

宋

陳景元字太虛號希虛子南城人過高郵師道者韓知止遊天台遇鴻濛張無夢授以祕術遂隱居廬山讀書不倦書皆手錄成帙遊京師寓醴泉觀講道法神宗聞其名詔即地設普天大醮命撰青詞以進稱旨賜號真靖先生改章服歷銜副道錄尋以老親乞歸廬山賜白金助之既歸無長物惟儒書道經醫錄數百擔各為齋區別貯之四方來就學者隨所類齋分別講授無不得其學以歸一時士大夫如王珪王安石皆嘗與之遊安石嘗叩其乞歸意味其

建昌府志

卷四十八

方伎傳

二

言書座几曰官身有古責能事遇嫌猜野性難堪此廬山歸夫來末書真靖自言如此可味也生平善書法嘗與蔡卞論書至歐陽詢則曰世皆知其體方而莫知其筆圓下服其論一日沐浴改衣吟曰昔之委和今之蛻質非化非生復吾真宅遂正坐而逝年七十所著文集二十卷靈寶度人經大洞經音義集註各一卷註道德經二卷老子藏寶纂微二卷解莊子十卷編高士傳百卷

九江府志

吳康字用章南豐人為文敏博逸羣擅能名而試不利乃留情樂府以舒憤鬱是時山南渡未遠汴都正音教坊遺曲猶流播江南用章博采以探悟微音律單詞短韵宮徵協諧性愛梅有雪香絕句六十二闕高琴巨陵尉胡夢

廉皆負重名少許可特

序稱其意密詞清上是有入

水邨泯稿

廖應淮字學海南城人幼不事章句自天文地理素難本草律歷卜筮壬遁太乙風角鳥占諸方術無所不究遊江湖間落魄不偶客京師叩闕疏丁大全誤國狀醜漢陽軍荷校行歌出國門道傍人嘖嘖壯之抵漢陽遇一道士於漢江濱曰子非盱江廖應淮耶應淮驚曰何自知道士曰宇宙太虛中一塵耳人生其間其爲塵幾何茫茫者既了於吾心况子乎余待子久矣延與語則蜀人杜可久也因具言自康節以先天易數授王豫天悅天悅死無傳以所受書從堇未百年而吳騷叛盜掘其塚得皇極經世體要

建昌府志

卷四十六

方伎傳

三

內外觀象數十篇無名公手澤具存余賄盜得之逆數順知一毫髮莫遁今五十年矣數當授子爲禱郡將脫應淮戍籍盡授以塚中書其算繇聲音起數應淮神警一問輒了道士指畫未到則先意逆悟道士自以爲不可及遊宣歙間十年著元元集歷髓星野指南象滋說會譜畫前妙旨約十萬言自號溟滓生弋陽余安裕請受學應淮許諾安裕語次勸令歸以中庸應淮瞪目大罵曰俗儒幾辱吾康節拂袖去復之祝僦賀外史臨街樓以居晝布大衍卜卜已輒閉樓危坐取一鑲按劍自鑲之當火少休則危坐以爲常夜沽酒痛飲飲即吐吐復飲不爛醉不休一日忽抵掌大呼曰始余謂天非宋天今地非宋地矣謂關賈似道

當國潛使人問之應淮曰毋多言某年月日地髮徧白浙水西流是其祥也似道未解潛召見與屏人語應淮曰相公宜自愛不久宋鼎移矣似道掩耳走應淮亦徑出過殿院會淵子家索酒飲酒酣作嬰兒啼曰大厦將焚燕雀猶呢喃未已耶已放歌歌曰禽聲兮啾啾草色兮幽幽風燭兮火怒泉殷兮血流屋將焚兮燕呢喃業鼎沸兮婆婆其未休歸去來兮不歸兮焉求歌罷哭坐者皆詫怪走應淮殊不顧啼哭而出已執太學熊希望手謂之曰吾端居層樓聞空中戎馬百萬來人鬼作哭泣聲壬申襄樊陷宮車晏駕乙亥長江飛渡似道殛於丙子三宮播遷諸王大臣皆南北亂走噓吸聞事耳公留此何爲又謂進士尹應曰

吾數中甲戌無殿試丙子無科舉奈何已又慟哭曰殺氣又入閩廣間去於是朝士大夫皆戒門以絕識與不識望之知走矣惟國子監簿吳浚進士彭復願從之受易應淮醉即大詭譽曰大莫大乎範圍精莫要於曲成若黃口兒可以語此則人皆邵子也浚以先天易箋陰符經六花陳法欲上之應淮擲其稿於地曰誤天下國家者此書也又字呼浚曰先文汝某年某月日卽刑於某所汝行知之浚不快辭去不竟業獨復執弟子禮不衰於是應淮盡道士塚中書及所自著數十萬言一舉以授復後四年死處州郡學中年五十二無子獨攜一義女自隨及嫁猶處子也應淮未死前三日謂義女曰我死一月後朝廷命山姓烏

名人來名我及傳立立當過我汝可出所藏書授之立當
以此致大官汝可得官田若干養老皆如其言所謂山姓
烏名者則崔鵬飛也傳立鄱陽人從彭復受學云

宋潛溪集

元

危亦林字達齋南豐人幼好學博極羣書稍長嗜岐黃術其
先世名雲仙者嘗遊東京遇董奉裔孫京授以醫其祖碧
厓又師周伯熙凡素問諸書靡不窮究至亦林盡發所藏
遺書曉夜披覽天歷初以先世秘傳方與已所經驗諸案
彙編為十三科題曰世醫得效方上之本道提舉司送太
醫院付所屬梓而傳之授醫學教授

南豐縣志

明

建昌府志

卷四十八

方伎傳

五

趙瑄字文英南城人官太醫院御醫力探龍宮之秘凡按脈
辨症應手發藥多奇中四方之負痛求療者蝟集瑄一一
給應人服其神未嘗責償李西涯稱其非專門名家者不

能云

西涯集
遂菴集

樊胡字鶴齡南城人官益府良醫正少聰敏凡軒岐盧扁諸
家書靡不歷覽於脈理獨得三昧四方就治者日接踵於
道其不能至者雖甚著寒必往投劑嘗語人曰病者望醫
甚於望歲醫至而疾已輕矣敢少緩須臾耶

夏竇墓志

李樞字健齋南豐人邑庠生負奇才當隆萬盛時以病隱於
醫輯醫學入門八卷其論以不欺為本養性為功行仁為
要博極羣書為究竟嘗謂學者不深於易則於死生之故

不達利濟人物終無把握嘗客閩省術大行所著醫書至

今海內宗之潛德錄

梅慶生字子庾南城人善草書兼工小楷能詩嘗遊潯陽雷

曹能始署中鍾伯敬問之寄詩能始兼貽子庾有匡廬邇

不至而非心所悲梅生從子處六載今孤暎之句同時王

謙字鳴吉工篆隸圖章皆以布衣名於世舊志

傅洋字元盛南城人少負奇氣好讀書尤精易學有寇伺夜

至洋占易得暮夜有戎遂遁免事母至孝待寡嫂深加禮

敬歲大饑出穀賑濟以千數與九藥瀉並稱三俊而洋尤

知名瀘溪志

馬徵字鵬揚南城人進士煥賓之弟也嘗寫大士像以贈人

建昌府志

卷四十八

方伎傳

六

其白描妙手人以爲李龍眠復生云舊志

羅憲順字文溪其先宜黃人以醫遊新城邑人士重之遂家

焉居鄰冢宰涂國鼎宅國鼎微時與之交及國鼎登第薦

授太醫院吏目天啟丙寅知縣吳之屏以鄉賓禮之憲順

相貌魁偉美鬚髯與人交溫藹可親嘗遊楚遇異人授以

養生術晚年每製藥施人年八十二卒新城志

朱常洵號本源益府宗室善寫西竺諸天法相嘗云過粗更

難於過細蓋深於張陸也與華山郡王心源先後名家心

源工於龍兼該六法雲飛股斷意勢自會又奉新郡王文

漪亦以行草名讀書禮士綽有河間之風舊志

謝廷高字東樓南豐人年四十遊西湖遇道人自東山來熟

視之曰子長者吾有海上方授汝可濟世懸壺於市有換
骨謝山人之稱崇禎十一年封山妖寇作亂官兵敗受傷
者數百人廷高言於官願助醫藥自効旬餘跛折者皆起
立數百人羅拜踴躍去無一廢者賊平邑令上其功益王
命巡撫解學龍給白金五十兩具冠服旌表善人高孫德
選傳其術且工詩善書雖處囂市而所托常在塵埃之外
士大夫咸敬禮之晚舉鄉飲介賓

甘白水
邱傳

張榮號繼川新城人四世祖福興成化中以幼科薦醫孝宗
獲殊寵官太醫院使致政之口大學士劉珣等賦詩以贈
榮能世其業全活老幼甚多崇禎丙子壬午兩遇饑榮出
米賑饑御史鄧澄作仁壽篇贈之

高志

建昌府志

卷四十八

方伎傳

七

國朝

毛節字季先廣昌人性倜儻風角占驗術奇中太保許貞鎮
粵東延入幕參贊機謀多所擘畫暇則以詩古文自娛自
號懶墨老人

近志

羅什字一因南城人工詩畫琴棋篆刻各造其妙家磁龜里
與朱南畊張周人朱彰素朱闡公詩酒往還風骨古朴年
八十猶喜鼓琴與客談論竟日不倦飄然有塵外之致

五志

詩話

上官榜字念川新城人幼遊遠方學醫有異人授以秘方歸
術大行於小兒疹痘多神效與張榮後先齊名子應亦能

世其業

新城志

非廷璟字秀賢號蒙齋南豐太學生受醫於謝子實李只稱謝李皆精妙顧詩酒自豪不肯以術鳴廷璟既盡得其術則走淮上施藥病者應手起不取值名大振江藩母夫人病饑日夜數十食食數斗少緩即大呼饑死四十餘日不寐藩司憂悸延醫百無少效者久之聞廷璟名發急傳送以來廷璟令取水中枯木數百斤煮以十大鑊以次并令得汁升許以進咽畢即閉目睡睡五日起病如失藩司再拜謝延之上坐壽以五千金呼為神廷璟復施藥如故罄其金三年而後歸歸語人曰此謝先生教也吾固不及此廷璟既歸病者踵門無虛日廷璟視貧富為緩急先貧者後富者貧甚則藥之或延之家飲食之愈而後去顧見二

建昌府志

卷四十八

方伎傳

八

先生喜為詩日追隨飲酒唱和遂哀然成集多俊拔可傳者而其精神則專注於醫易延竹有吳蒙齋傳

李如璋字子孚南豐人幼聰敏五官並用九精九章數學順治壬辰度田令下疆域新定田賦紛錯民緣以為奸邑中集老算手數十人不能悉如璋年十五晒其煩苦掣珠盤左右手撥不須更銖黍無差後江右通省錢穀勾稽校核綱舉目張皆其手定至今便之中辰饑發賑令下如璋請以各郡積遺萬兩作賑荒除豁滇南軍興如璋又請以新征抵舊除保全紳士無算請選得嘉定江灣司巡檢能其職以不肯悅仰上官被劾歸

懷葛堂文集

丁化字雨濤南豐人母封氏賢孝而早寡艱苦萬狀撫化

長化苦讀得失血症幾不廖乃學岐黃業於徐怡谷遂以醫名化於醫以濟人爲樂不甚計利貧者多賴以活生平一言一動不敢有過差曰恐辱吾母也母歿三年寢處苦塊未嘗近室人作櫛奉父母木主朝夕候起居終身不怠

汪東園集

余紹寧字義周其先南城人移居新城少讀書兼習醫術年二十遍訪名師得異授決人生死多奇中嘗製萬應丸施救全活甚衆著書二十卷曰元宗司命其論傷寒針灸諸方無不精備又著道書全集金丹秘旨天時運氣諸書及門二十餘人子景湯景立皆能世其傳

新城志

吳迪讓字言可南城庠生善畫龍雲氣蒼潤懸之壁間颯然

建昌府志

卷四十八

方伎傳

九

有風雨欲來之勢間寫魁星凜然生動爲世所珍重

張名弼字良臣新城人世業儒弼隱於醫尤善治小兒知縣

解光燭有幼子患沙石淋危甚羣醫束手弼用吐劑瀉之

三服而溺通衆神之弼曰是非難知也諸君病不看古經

耳靈樞云厥陰肝之病遺溺癰閉予用木鬱澤之之法故

效衆益服其識嘗懸壺南津市日延請者塞道或磁負兒

至門所至先後次治遠不及歸與病非可猝效者令留於

室病愈乃遣去藥餌不計日晚歸一篋肩所得緡錢隨之

馮里中貧之必探囊濟之康熙丁丑甲申畿陽醫所借功

張履築書於城北謀子孫以終老

新城志

張履字宇以行南城人以醫名工於外科性癖好飲不茹葷

喜談論古事凡按抗毒慰及鍼割諸治法稱效如神人
治疾惟留飲不責償晚年益精於理所著有論喉科三十
六種眼科十二卷雜科四卷家貧不能梓以傳世子如瞽
世其業人嘗稱之

夏朝麟字玉書南城人工書法學王右軍神與筆副嘗遊粵
東士大夫致書幣求書者盈戶外因家焉至今粵人士留
其片紙什襲珍藏卒於粵

吳之文字斂公南城人家貧讀書一試不遇即棄去工詩字
好圍棋鮮有敵者與何從之張百川交最愜往還倡和甚
夥所著有匏莊集句如雪濕當門落春山隔岸看可想見
其高致矣幼仙詩